

豫

章

焚

書

第九冊

卷一

年

策

書

紀

髻山文鈔

丙辰冬月
辛巳月
廬

髻山文鈔目錄

卷上

郭義士傳

文立升殉國粵傳

善山寺碑

廬游紀事

儀林識仁堂記

棲賢募緣引

尋孔顏樂處論

跋蔡忠襄先生正學貞節序論

峰瀑一指

書周夏尹詩後

查母合葬誌銘

先伯考勝渠公墓誌銘

先府君墓誌銘

先慈一塋四附誌銘

吳母郭孺人墓誌銘

陳母少婦墓誌銘

哭熊仲高文

哭莫妻郭氏文

卷下

與謝秋水書

與謝約齋書

答謝秋水書三

復約齋書

與楊友石書

答毛尊素書

庚子刻成答聞極上人札

童鑑序

壽熊約生先生六十序

甘健齋四禮撮要序

書義全提序

江籬吟詩序

續廬山紀事序

陶節婦四十初度序

送禪者頓修歸棲賢序

江人事序

大學咏序

刻傳習錄序

熊青嶼先生文集序

坤貞錄序

經歸先生書院序

髻山文鈔卷上

星子 宋 楊 未有 撰

郭義士傳

義士姓郭名賢操字以約別號天琴九江德安縣學生父一麟萬厯甲辰進士官屯部郎廉公有威爲時名宦賢操生而頎兩目爛若星翔步軒舉意豁如也讀書好奇節爲詩古文擅名家數不第絕意制科放浪山水間跡幾遍落落少可江州司李余士瑞學道人也流慕之過廬陵必就見郭子時余負顛名獨賢操信之曰不顛郭亦負狂名獨士瑞信之曰不狂兩

人相得極歡談時事輒共痛哭屬余解任僑寓潯與
乙酉左兵之難創甚移疾廬山師薦入江余憤欲舉
義莫能興屬意眼山李含初及賢操賢操遂招高長
子合同邑武生胡伯仰營衆八千人恢德安旋襲復
建昌與東援兵遇再戰再克會伯仰敗沒郭軍孤而
長子陰中敵餌遂執賢操以叛時都督孫之獬招江
西欲竊名了撫局釋賢操不殺強以官不受而筠州
戴國士者郭年家世兄弟也爲之地得放還郭旣歸
故部曲多在謀再舉敵偵得師環其廬火之郭跳身
逸值大索遂託妻於瑞昌丁孝屬子於星渚木天獨

客遊奉新都建間所至人破家爭納而郭雖流離困
頓丰格未少貶其誓不共生之志未嘗斯須忘也戊
子輒更郭建議立官義兩營分戰守策上不省又眼
山李玉英以復父仇寘於法傷含初之無後也意快
快絕口兵涉夏師再陷九江長驅入郭聞之一慟遂
絕救得甦投袂起曰劍視履皇此其時矣建而復施
當事高其義特署賢操監軍僉事令得便宜徵邑賦
佐軍需而德安諸矜胥素不利郭舉動潛往勾潯兵
夜入其營執之時一隸前曰汝讀書寧不識乘勢待
時耶賢操笑曰汝解書豈不聞孟子志士不忘在溝

整勇士不忘喪其元乎少頃一隸梔茗飲之好謂曰
汝佳公子佳秀才不做做此等事耶怒麾卻之曰此
事非我做誰當做者已繫赴縣解凝立賦詩隸摔之
伏地不能屈遂前剮其腿腿盡嚙趾至血流贅磔且
罵且賦詩跂如故德安令以土賊呼之郭應聲罵曰
我生爲義士死爲烈鬼何爲賊看汝年地不減四十
曩來食何家水米令慚曰我亦明臣子奈勢去無如
何耳郭復罵曰忍心叛君父若真賊矣尙誰賊令愧
屈不語諸胥懼其免也醵金賄營弁殺之臨死口占
絕命數十首索筆楮勿與遂無傳賢操爲人淵峙岳

立疾惡過嚴嘗感遼陽之陷著贊餘吟痛甲申之變
著憤言自傷顛沛展徒著苟全集皆字挾風霜膾炙
人口每讀史至亂賊按硃墨交勒幅間悉成撞戟形
又疾首胥隸兵起時刻意翦除諸惡少見事風生者
率誅之而老奸獍故在工媒孽窺伺無虛晷卒郭所
以敗敗且死者諸蠹之力也郭死時年五十有三子
七長早夭次良錫同從子良銓攻建昌中流矢死三
良鐸辟地烏池從趙正戰死四五以下皆幼禍作時
南昌張炳代負其一以逖遵江北泝處焉郭歿有僧
石與者往下遊覓得歸爲擇師教之原僧及張無傾

蓋交獨感高義爲之同患至於是先後偕郭起兵死
德安縣學生桂登魁及其妾繆氏赴水死生員胡戒
大罵死

竊史曰諸生起義甚難成不行里閭一難展餉樹怨
二難器械不除卒不練習三難顧往往蹈難爲之視
死如歸者痛父母之受困盜賊無成敗捐軀赴之亦
其所也而或以明哲保身相詆譏彼之所云保身者
鼠穴也夫兔穴也夫

附存絕命詩一首

剛刀削就忠良骨一
千仇九廟知麟趾誤遊
狐鼠穴鳳雛豈屬犬羊
糜血流大地山河壯髮

指青天日月虧萬古綱常
從此立常山義舌文山詩

文玄升殉國粵傳

德化諸生文玄升明遠駿有明達吏部公文德翼從
子也俱豪俠有胆識而遠尤警敏乙酉南京陷東英
主襲據九江同縣李含初兵起遠兄弟居間聯絡事
敗遠遊江淮間與原巡九江道廬州葉士彥舊部臣
李之椿楊州僧德宗右部劉洪起副將秦緯之同受
魯監國事監國奇遠才授兵科給中改名五成遣詣
行在已丑江省再陷行李戒嚴五成扮僧裝崎嶇僅
達達粵京見上召對稱旨授試兵科旋銜命冊封李

善山先生集卷上
赤心至開建界則李已拔營前徙開建鄉砦遭李兵
屠擄飲恨刺骨無從雪而五成忽從數十騎至鄉砦
以爲李碎營也蜂集團之五成猝不能自明中亂鏖
死明達客遊楚與興國守將善戊子江省反正覓能
使楚者姜相國曰廣稔明達名薦之往抵興州則舊
將已更調去新帥爲鄔姓者狡甚佯款納達達吐實
鄔卽席間執之解赴楚省論殺臨刑從容賦詩若干
首無傳傳其中有文相國孫姜相國客而已

善山寺碑

辛丑正月余同吳敬躋及家四姪遊東古禪院杖頭

往復得再過善山寺寺爲宋慶雲禪者卓錫地負壁
抱廬廬烟蕩胸壁磊擁頂如高堂列十二屏風其巉
崖怪石蒼苔綠樹及寒烟晴嵐沒現之致畢入畫裡
又如大將布壘落瀑揚白旆劍插青林巒互錯皆帶
甲持戟之羽林兒也環寺饒有桐竹時蚤春雨後疏
竹霑袂淡桐浴爪式舞且蹈於春風傍殊佳勝已入
寺則上下方殿院暨香積厨署客齋雅飭一一而佛
像晶耀鼓磬逢鏘具稱是住持僧隆生領余瀏覽旣
周乃長跪請曰此先師惟一之手經也甫有甯宇而
師已坐脫願居士爲我誌之余訊其由則雖嘗假緣

檀護藉力諸方而要惟惟一公隻手孤衷積數十年
種竹植桐栽茗刈稻之贏餘區畫成章余聞之爲三
太息云記客嘗遊白鹿洞矣洞亭臺荒頽不具論廊
垣草萊不具論僅僅大成師把茅蓋頭猶使之狹小
其制下同樓觀冕像孤戴一板而旒不綴若猗父狀
然余拜瞻久之愴然淚下爲作鹿洞詩有石經詎滿
三千字冕像猶虛十二旒之句蓋重傷之也闔郡邑
大小吏上下庠衿紳何莫非孔門兒孫而秦越肥瘠
視之迺若此至各名山梵剎百寶莊嚴則又半大小
吏上下庠衿紳之所不吝予而取諸懷者也宗周莫